

SCRIPT OF EVENING GOJRI NEWS BULLETIN 14JAN 2026  
1700HRS

ایوننگ گوجری نیوز بولٹن 14 جنوری 2026

\*\*\*\*\*

یوہ آکاشوانی جموں ہے محمد سفیر تے نصرت چودھری تیں خبر سَنو۔

\*\*\*\*\*

HEADLINES

- ۱۔ مرکزی امور داخلہ گا سیکرٹری گووند موہن نے جموں مانہہ سلامتی حُکام غی موجود گی مانہہ اک اعلیٰ سطحی سلامتی جائیزہ میٹنگ غی صدارت کر رہیا ہیں۔
- ۲۔ لیفٹیننٹ گورنر منوج سنہا نے راجوری مانہہ منعقدہ سابق فوجیاں گا اجتماع سنگ خطاب کرتا واں کہیو کہ سابق فوجیاں غی جرت تے بہادری میدان جنگ تیں آگے ہدھ غے امن تے ترقی توڑی پھیلی وی ہے۔
- ۳۔ رودرا ہیلیکپٹر غی پہلی خاتون پائیلٹ ہنسجا جہڑی جموں غی بسنیک ہیں آئیندہ یوم جمہوریہ غی تقریب گا موقع ور فضائی دستہ غی قیادت کریں غی۔
- ۴۔ جموں کشمیر سکولی تعلیم بورڈ نے اج اکتوبر نومبر 2025 سیشن گا 10 ویں تے 12 ویں جماعت گا نتائج غو اعلان کیو ہے۔
- ۵۔ محکمہ موسمیات نے پیشن گوئی کی ہے جے جموں کشمیر مانہہ کل توڑی موسم خشک رہ غو تے گھنی تھند تے سخت سردی غی لہر جاری ہے۔

\*\*\*\*\*

SECURITY REVIEW

جموں مانہہ اس وقت اعلیٰ سطحی حفاظتی جائیزہ اجلاس جاری ہے جس غی صدارت مرکزی داخلہ سیکرٹری گووند موہن کر رہیا ہیں۔ اس اجلاس مانہہ انٹیلجنس بیورو غا ڈائریکٹر ٹین ڈیکا غے علاوہ نیم فوجی دستہ تے خفیہ ایجنسیاں گا اعلیٰ افسر شریک ہیں۔ مرکزی داخلہ سیکرٹری گووند موہن دن غی شروعات مانہہ جموں کشمیر گا 2 روزہ دورہ۔ ور پہلا پُجیا، تانجے مرکزی زیر انتظام علاقہ مانہہ حفاظتی صورتحال گو جائیزو لیں سکیں مزید تفصیلات غی اجیں اڈیک ہیں۔

\*\*\*\*\*

LG VETERANS

لیفٹیننٹ گورنر منوج سنہا نے اظہار کیو ہے جے فوج مانہہ خدمات انجام دینو محض اک پیشو نہیں بلکہ عمر بھر غی وابستگی ہے جہڑی سیکدوشی تیں بعد وی جاری رہ۔ انہاں نے کہیو جے سابق فوجیاں غی بہادری میدان جنگ توڑی ہی محدود نہیں بلکہ امن برقرار رکھن تے قومی ترقی مانہہ وی ان غی خدمات ظاہر ہیں۔ ان گلاں گو اظہار انہاں نے راجوری مانہہ منعقدہ سابق فوجیاں گا 10 واں یوم مسلح افواج گا سلسلہ مانہہ کیو کیو تھو۔ انہاں نے کہیو جے سابق فوجی قومی تاریخ غی زندہ علامت ہیں جنہاں نے ملک و قوم نانہ سنوارن مانہہ اہم کردار ادا کیو ہے۔ انہاں نے مزید اس طرح کہیو۔

\*\*\*\*\*

KATHUA SEARCH OP

ضلع کٹھوعہ تیں آکاشوانی غا نمائندہ نے اطلاع دتی ہے جے ضلع گا اج دریا گا کول کال علاقہ مانہہ 2 مشکوک افراد غی نقل و حرکت غی سولہن تیں بعد حفاظتی

دستاں نے تلاشی کاروائی شروع کی اس سلسلہ مانہہ دوج نے پورا علاقہ غی کیرہ بندی کرلی ہے تے جامع تلاشی جاری ہے اس بارے مزید بولتا وان مہارا ضلعی نمائندہ نے اس طرح کہیو۔  
\*\*\*\*\*

### CAPTAIN HANSJA SHARMA

رہاڑی کالونی جموں غی بسنیک کپٹن ہنسجا شرما جہڑی سننیر صحافی روشیما شرما غی لڑکی ہے۔ انہاں نے بھارتی فوج گا رودرا ہیلی کپٹر غی پہلی خاتون پائلٹ بن غے تاریخ رقم کی ہے۔ یاه کامیابی صرف موصوفہ گا قبیلہ غی ہی نہیں بلکہ پورا جموں کشمیر تے قوم واسطے بڑہ مان آلی گل ہے واضع رہ جے کپٹن ہنسجا شرما آئیندہ یوم جمہوریہ گا موقع ور 251 فوجی اسکواڈ غی قیادت کریں گی تے اس تیں قبل وے ناسک مانہہ واقع کمبیٹ اویشن ٹریننگ سکول تیں چیتا ٹرافی اپنا نام کرغے تاریخ رقم کرچکی ہیں۔ انہاں غی اس کامیابی ور نانیب وزیر اعلیٰ سریندر چودھری نے انہاں نانہہ مبارک باد دتی ہے تے ان غی والدہ رشمی شرما نے ان غی کامیابی بارے خوشی غو اظہار کرتا وان اس طرح کہیو۔  
\*\*\*\*\*

### SANITATION

یوم جمہوریہ منان غا سلسلہ مانہہ جموں میونسپل کارپوریشن گا کمشنر نے اج وارڈ نمب

8-9-16-17 تے 18 غو دورو لاغے صفائی تے ناجائز قابظ جگہاں گو دورو لایو اس دوران اہاں نے متعلقہ افسراں نانہہ ہدایت دتی کہ جامع طور ور صفائی نانہہ یقینی بناویں تے غیر قانونی طور ور قبضہ کرن آلاں غے خلاف سخت کاروائی کرن غو حکم وی دتو تانجے گڈیاں لاریاں غی نقل و حرکت نانہہ آسان بنا غے عوام نانہہ راحت فراہم کرائی جے۔ اس موقع ور مزید بولتا وان انہاں نے اس طرح کہیو۔  
\*\*\*\*\*

### JKBOSE RESULTS

جموں کشمیر سکولی تعلیم بورڈ نے اج اکتوبر، نومبر 2025 سیشن غے تحت 10ویں تے 12ویں جماعت غا سالانہ امتحانات غا نتائج غو اعلان کیو۔ 10ویں جماعت غا مجموعی نتیجہ تقریباً 84 فی صد رہیا ، جد کہ 12ویں جماعت غا نتیجہ 84.02 فی صد درج کیا گیا۔ کشمیر، جموں گو سرمائی زون، لداخ، کرگل تے لہہ مانہہ 10ویں جماعت گا امتحانات مانہہ 94 ہزار تیں زیادہ طلبہ نے شرکت کی جد کہ 12ویں جماعت غا امتحانات مانہہ 70- ہزار تیں متہ طلبہ شامل تھا۔ قابل ذکر ہے کہ جے کے بوس نے 10ویں، 11ویں تے 12ویں جماعت غا امتحانات واسطے 15 فی صد نصاب مانہہ رعایت دتی تھی۔  
\*\*\*\*\*

### NATURAL CAVE OPENED

شری ماتا ویشنودیو غی قدرتی گفا مکر سنکرائتی غا مبارک موقع ور روایتی دعاواں تے مزیبی رسومات تیں بعد زائرین واسطے کھول دتی گئی۔ کٹڑا پُجن آلا عقیدت منداں نے خوشی تے جوش و خروش غو اظہار کیوتے قدیم گفا مانہہ داخل ہون غی تیاری کی جس نانہہ تہوار غے دوران ایک نہایت روحانی تجربو سمجھیو جے۔ شرانین بورڈ نے عقیدت منداں غی آمدرفت نانہہ آسان بنان واسطے تمام

انتظامات مکمل کرلیا ہیں۔مقدس منددمانہہ حاضری دین تے دعاواں واسطے عقیدت مندانا مسلسل آرہیا ہیں جس سنگ تہواراں غی تقریبات غوشاندار آغاز ہووے۔ آکاشوانی غا خبراں آلا شعوبہ سنگ گل کرتا واں کجھ عقیدت مندانا نے اس طرح کہیو۔

\*\*\*\*\*

## GANDHI SHILP BAZAR

صنعت و تجارت محکمہ جموں ہاٹ مانہہ گاندھی شلپ بازار نمائش و فروخت غو انعقاد کرن جارہیو ہے۔ یاہ نمائش 15 جنوری تیں 21 جنوری 2026 توڑی منعقد وے غی۔ نمائش روزانہ سویرے 10 بجے تیں شام 7 بجے توڑی کھلی رے غی۔ اس مانہہ پورا بھارت تیں تقریباً 40 ماہر کاریگر، حصو لیں گا جہیڑا کپڑا، لکڑی غا کم، دھات غا فن پارا، مٹی غا برتن تے زیورات غی نمائش کریں غا۔ یوہ پروگرام کایگراں واسطے اپنی مصنوعات فروخت کرن غو براہ راست پلیٹ فارم فراہم کرے غوشہریاں، سیلانیان تے فن تیں محبت کرن آلاں ناہہ بھارت غی شاندار دستکاری وراثت تیں روشناس ہون غی دعوت دتی گئی ہے۔

\*\*\*\*\*

## POONCH TREKKING PROHIBIT

ضلع پونچھ غا ڈپٹی کمشنر اشوک کمار شرما نے ایک حکم جاری کیو، جس غے تحت ضلع غا اچا پہاڑی علاقان تے جنگلاتی علاقان مانہہ ٹریکنگ، ہانکنگ تے کیمپنگ ور پابندی لانی گئی ہے۔ دسیو گیو ہے کہ ان علاقان مانہہ آزادانہ آمدرفت عوامی تحفظ واسطے سنگین خطرو بن سکے، کیونجے اُت گو رستو دشوار ہے۔ موسم زیادہ تر خراب رہ تے دیگر ممکنہ خطرات وی موجود ہیں۔ انتظامیہ نے مقامی لوکاں تے سیاحان تیں اپیل کی ہے کہ وہ ان پابندیاں ور سختی نال عمل کریں۔ ڈپٹی کمشنر نے کہیو ہے کہ خلاف ورزی کرن آلاں غے خلاف سخت کاروائی کی جے غی۔ یوہ حکم فوری طور ور نافذ وے غوتے 2 مہینہ توڑی نافذ وے غو، جد توڑی اس حکم ناہہ واپس نہ لیو جے تے اس مانہہ کوئی ترمیم نہ وے۔

\*\*\*\*\*

## WEATHER

جموں کشمیر مانہہ سردی غی لہر لگاتار جاری ہے، کشمیر مانہہ برف جمع دین آلی ٹھنڈ درج کی گئی، جد کہ جموں غا بعض علاقان مانہہ درجہ حرارت انتہائی کھٹ رہیو۔ جس غی وجہ سنگ معمول غی زندگی متاثر ہو رہی ہے۔ آج سویرے جموں گا میدانی علاقان مانہہ گئی تھنڈ چھائی رہی جس غی وجہ تیں گڈی غی آمدرفت متاثر ہوئی۔ محکمہ موسمیات غے مطابق 15 جنوری توڑی موسم خشک رہ غوتے 16-17 جنوری غے بشکار اچا علاقان مانہہ ہلکی بارش تے برف باری ہو سکے۔ اس بارے مزید گل کرتا واں محکمہ موسمیات غا افسر فاروق احمد بھٹ نے اس طرح کہیو۔

\*\*\*\*\*